

Bibbia par putei
Presenta

I miracoli di Gesu



Scritto da: Edward Hughes

Illustrà da: Byron Unger; Lazarus
Alastair Paterson

Adatà da: E. Frischbutter; Sarah S.

Tradoto da: Tiberio Bardelle


Prodoto da: Bible for Children
www.M1914.org

©2023 Bible for Children, Inc.

Licenza: A te ga el diritto de copiare o de stanpare sta storia,
basta che non te la vendi.



Gesù el ga fato on mucio de miracoi. I Miracoi i jera dei signi par far vedare che Gesù el xe davvero el Fiol de Dio. El primo miracoo el xe sta a na festa de nose. A jera nato on problema. A no ghe jera abbastanza vin par tuti.



Maria, so mare de Gesù, la xe 'ndada a contarghe el problema, po la ga dito ai servidor de far tuto cueo che Gesù ghe ordenava.



"Impinisi sti pitari de acqua", el ga dito Gesù. "Acua?" Si, l'acua la jera cueo che Gesù el gaveva domandà.



Gesù po el ga dito a on
servidor de torghene
da on pignaton e lasar
che, el responsabile
dela festa, la cercase.
L'acua deso la jera
vin! Vin bon! El
mejo vin!





I servidor i xe restà
inbanboà. Gesù el gavea
trasformà l'acqua in vin.
Soeo Dio el podea
far sti miracoi.




Gesù el ga fato altri miracoi.
'Na sera, lu e i so disepoi i xe
'ndà a casa de Piero. La suocera
de Piero la jera parecio malà e
la gaveva la freva.



Gesù el ga tocà la man de la femena malà. In un fià la stava da novo ben e la se ga tirà su par servir Gesù e i so disepoi.




A pareva che
cua sera, tuta la
sità la se riunisse
alla porta. A
rivava gente
malà, surdi,
bauchi. Soti.
Anche gente
indemonià i jera
li da Gesù.
Podarisseo
aiutarli cussì
tanti?



Gesù, fiolo de Dio, el podaria aiutarli. Gesù el ga
aiutà. Tutti cuei che i xe vegnù da Lu i xe sta
guarii. La gente che se strapegava in vita co le
crosole adeso la podeva caminare, corare e saltare.



Altri i xe
vegnù, bruti
par la lebra.



I xe diventà
bei e puiti
cuando che
Gesù li ga
guarii.



Omani e femene turbà dai diavoi i stava davanti a Gesù. El ga ordenà ai diavoi de 'ndare via. Fin che i diavoi ghe butava a mente la giente, spaurìa e grama, la la xe diventà calma e feice.



De drìo del popolo, quatro omani i cercava de aiutar el so amigo, ma no i jera boni de andar visin a Gesù.
Cossa podevi far?



I ga portà el malà sol teto de
la casa, i quatro amisi i ga
cavà el teto e i ga calà
l'omo. Adeso el jera
visin a Gesù.



Gesù el ga visto
che i quatro
amisi i gaveva
fede. El ga dito
al malà: i to
pecati i xe
perdonà. Ciapa
el to leto e
camina. L'omo
se ga alsà in piè,
ben e saldo.
Gesù lo gaveva
guario.




Dopo poco tenpo, Gesù el jera
so na barca co i so disepoi.
'Na tenpesta paurosa la xe
rivà in tel mar. Gesù el
dormiva. I disepoi
spaxemà, i lo ga svejà.
"Signore, salvane" i
uchelava. "A
morimo".



"Ste ferme", Gesù el ga ordenà a le onde. De colpo el mar se ga calmà. "Che rasa de omo xeo questo?" I so disepoi i diseva sotovose. Anca el vento e el mar i ghe buta a mente. I credeva che Gesù el fuse el Fioeo de Dio parchè i so miracoi i faxeva vedar la so Gloria. I disepoi non lo saveva ancora,

ma i gavarìa veduo Gesù far miracoi ancora pi grandi fin che el serviva Dio in mezo a i omani.



I miracoli di Gesu

'Na storia de la Parola de Dio, ea Bibia

la se cata in

Mateo 8-9, Marco 1-2, Marco 4,
Luca 4, Luca 8, Giovanni 2

"Scoltare le paroe a ne da la luce."
Salmo 119:130






Ea fine



40



60



Sta storia dela Bibia la ne conta del nostro maravejoso Dio che el ne ga fato e che el vol che ti a te lo conosi.

Dio el sa che a gavemo fato robe cative che Lu el ciama peccato. La punision par el peccato la xe la morte, ma Dio el te voe cusì tanto ben che che el ga mandà el so unico fiolo, *Gesù*, a morir so na crose e a esar punìo par i to peccati. *Gesù* el xe tornà in vita par po andar a casa soa in Paradiso! Se a te ghe credi in *Gesù* e a te ghe domandi de perdonar i to peccati, Lu a lo farà. Lu el vegnarà a vivar in noaltri adeso e noaltri a vivaremo con Lu par senpre.

Sa te credi che questa la sia la verità, dighe questo a Dio:

Caro *Gesù*, mi a credo che Ti a te si Dio, e che a te si diventà on omo par morir par i me peccati, e deso a te vivi da novo. Par piaser, vieni nela me vita e perdona i me peccati, in modo che mi a posa aver na nova vita adeso, e un di a vegnarò a star co ti par senpre. Iutame a butarte a mente e a vivar par ti come ca fuse to fiol. Amen.

Lesi la Bibia e parla co Dio tuti i di! *Giovani 3:16*

